


Carmelo Urcubi

Dios rurashcamunda


Biblical illustrations by Jim Padgett,
courtesy of Sweet Publishing, Ft. Worth TX
and Gospel Light, Ventura, CA
Copyright 1984. All rights reserved.
Additional illustrations by Carolyn Dyk.



Quinsa huatada na tamiuquiga Samaria llactabi micuna illushcamunda tuquigunami manchanai yarijin purigaguna. Manduj Jezabel huarmi, Jatun Dios nishcada parlujcunada huañuchiguqui

Jatun Diosca Eliasmu cashna niga: «Ri. Acab-buj ñaubuqui parlaringui. Ñucami cai pachabiga tamiada cachusha.» Shinushami Elías Acab-bujmu ña riguga.

Ña Acabgun tupanucuquiga mandujca cashna niga, «Canga ¿Israelgunada Ilaquibi churusha muspachijchu gangui?»



Shina niqui Eliasca, «Ñucaga na Ilaquibi churashcanichu, ashtanbish can Jatun Dios mandushcagunada na cazusha, Baal dios nishca tauga musrha-gunada crisha catishami muspachishcangui.»




Eliasca, «Cununga tuqui israelgunada, shinalladi Baal musrhamunda parluj chushcu patsaj pichca chungagunadash (450), shinaidi Aserá murshamunda parluj chuscu patsuj (400) Jezabel carushcada micujcunadash Carmelo urcumu tandachichun cachi,» niga.


Carmelo urcumu tandachishca q'ui pa Eliasca, «Cangunaga, ħimaauragamadi cai yuyigunan ishqui dioscunada catish ningui chi? Jatun Dios cabishca Dios gaquiga Paida catichi; na gashaga Baal musrha cabishca dios gaquiga paida catichiri.»



Shina niqiu gentegunaga upalla saquiriga.

«Cununga ishqui c'ari malta huagragunada apamusha cuchun. Baalmunda parlajcuna shujta agllusha japisha yanta jahuabi shitasha ninada ama catichillachu. Ñucash caishuj malta huagrada yanta jahuabi churusha ninada na japichishallachu. Cangunaj dioscunaj shutibi mañunguichi; ñucaga Jatun Diosta mañushami. Maijin dios ninada cachusha ricuchijca cabishca Diosmi gan.»





Paiguna cushca huagrada
japisha tuquida parijash
tucuchishaga, «¡Baal, ñucuchi
mañushcada uyabairi!» nisha
caparisha, tutamundapacha
chaubi p'unllagama mañagu-
quish, ima parlarishcallash na
uyarigachu. Paiguna rurushca
altar manya manya saltusha
muyurisha catiguquish, pish na
parlarigachu.


Ña chaubi p'unllabiqui Elías
paigunada caida chaida nishaga,



«Baal dios gashcamundaga
jinchida caparichiri. Imadash
yuyarigunmachari, imadash
ruragunga. Ñanda rigun-
gamami, puñushcaquima-
garin rijchachinachari,» nisha
asiguga. Paiguna ashtan
jinchida caparigaguna.

Ña tardi tucuquish Baal parlarishcamash, imada nishcamash,
shinaidi pai uyashcamash, imash na ricurigachu.

Eliasca rumigunan pircusha Jatun Diosbuj shutibi shuj altarda ruruga. Chi altar muyundijta larca layada ruruga.




Ña yantadash alli churushaga malta c'ari huagrada huañuchisha chi yanta jahuabi churuga. Yacun tallistiqui chi yacu altar muyundijta jicharishaga larca rurushcabish jundugami.

Diosmu cuna uris p'actuqui Eliasca cashna nisha mañuga:

«Jatun Dioslla, ñauba Abrahambuj, Isaacbuj, shinalladi Israelbuj Diosmi gangui. Cununga cai Israel llactabi can Dios gashcada, ñuca can nishcada ruru gashcada, cai tuqui ñuca rurushcagunash can nishca-munda rurushcadash yachi chayushca gachun.»



Shina mañaguquiga Jatun Diosbuj nina urmushaga, chi c'ari huagraj aichada, yantadash, rumigunadash, achpash rupachisha illujtami chingachiga. Shinalladi chilarcabi tiyuj yacudash chaquichiquiga, imash na saquirigachu.



Chida ricushaga tuqui genteguna cungurisha cumurishaga, «Paimigun cabishca Dios, Jatun Dios,» nigaguna.



Chimunda Eliasca Quisón huaicumu pushush risha chibi Baalmunda parluj-cunaj cungada p'iti-shtasha huañuchiga.

Chi q'ui pa Eliasca Acabda, «Micungu ubiungu huasimu rilla. Ñami manchanaidi tamia shamuj uyarimugun,» niga.

Eliasca jahua
Carmelo urcumu
sicuqui, jahua
cieloga huairan
p'uyugunan tuta-
yamusha pachun
tamiungu callariga.

Ña yarijin puri-
shcaga tucuriga.

